

“Улаанбаатар хивс” ХК-ийн 2021 оны

үйл ажиллагааны тайлан

Тайлант онд “Улаанбаатар хивс” ХК-ийн хамт олон дараахь үндсэн үзүүлэлттэй ажиллав:

- **35459 м2 хивс үйлдвэрлэж, 48296 м2 хивс борлуулсан** нь үнийн дүнгээр **4 679,5 сая төгрөгт хүрч**, урьд оноос 1 282,9 сая төгрөгөөр өсөв.
- **732,7 сая төгрөгийн цэвэр ашигтай** ажилласан нь өмнөх оныхоос 414,7 сая төгрөгөөр нэмэгдсэн байна.

Дээрх үр дүнд хүрэхэд компанийн нэгж, албад дараахь ажлуудыг гүйцэтгэв.

- Үйлдвэрлэлийн алба:

- Тайлант 2021 онд нийт 267,7 тонн ноосыг Увс, Завхан, Баянхонгор, Говь-Алтай, Хөвсгөл зэрэг аймгуудаас 670,2 сая төгрөгөөр худалдан авлаа.
- Ноос бэлтгэлд 4 аймгийн 15 төлөөлөгчтэй гэрээр хийж, 1100 малчны ноосны падааныг урамшлууллын программд шивж илгээв.
- Ээрэх цехэд :
 - 12/3 номерын утас 8065 кг
 - 15/3 номерын утас 63075 кг-ийг тус тус ээрч үндсэн үйлдвэрлэлээ хангаж ажилласан.
 - Мөн хялгас ялгах цехэд 4113 кг ноос ялгаж 25,8%-ийн гарцтай байлаа.
- Нэхсэн хивсийг нэр төрлөөр үзүүлбэл:
 - Алтанбулаг 23836 м2 буюу 68,4 %
 - Саян 4635 м2 буюу 13,3 %
 - Алтан-Өргөө 208,0 м2 буюу 0,6%
 - Улаанбаатар 6188 м2 буюу 17,7 % байна.
- Оёдлын тасагт гудас, түшлэгтэй, түшлэггүй сандлын хивс, тааран уут, хивсэн углааш, ажлын хувцас зэргийг үйлдвэрлэн борлуулалтанд тушаалаа.
- Эсгий цехэд 2 м өргөнтэй самнах машин худалдан авч суурилууллаа.
- Хялгас ялгах цехэд чийгшүүлэгч аппарат 2 ширхгийг авч суурилуулав.
- Нэхэх машин дээр килим нэхэж, “Монгол нэхмэл” ХХК-аар үслүүлэн борлуулах бүтээгдэхүүний нэр төрлийг нэмэгдүүллээ.

- “Монхорус” ХХК”- хамтран эрчим хүч хэмнэх “ЭСКО” төсөл хэрэгжүүлж, 4 ширхэг давтамж хувиргагч суурилуулан агааржуулалтын эрчим хүчийг 30% хэмнэх тооцоо гараад ажиллаж байна .
- Сургалтын танхим, цехүүдэд вакуум хаалт, хийн хоолой, цехийн шалыг резиндэх, цайны өрөө, хаягжилт, тоног төхөөрөмжийг будах зэрэг ажлын байрны эрүүл ахуй, эмх цэгцийг сайжруулах олон ажлуудыг хийж гүйцэтгэлээ.

- **Маркетингийн алба**

- Нэрийн барааны дэлгүүрийн үйлчлэх талбайг 200,0 м2-аар нэмэгдүүлэн тохижуулсан.
- Компанийн дэлгүүрт 280*260 хэмжээтэй гэрэлт самбар байрлуулав.
- Компани үүсэн байгуулагдсаны 50 жилийн ойд зориулж, 4 минутын видео кино, нэвтрүүлэг, богино хэмжээний рекламуудыг 3 ТВ-ээр 72 удаагийн давтамжтайгаар хэрэглэгчдэд хүргэсэн.
- “Намрын ногоон өдрүүд” үзэсгэлэнд амжилттай оролцов.
- Нийт борлуулалтанд захиалгат борлуулалт 3,5%-ийг эзэлсэн ба захиалгын үнийн дүнгийн 70,0% нь байгууллагын захиалга байлаа..

- **Сургалт, хүний нөөцийн алба**

- 2021 онд компани дунджаар, 114 ажилтантай ажиллаж байгаа ба өнгөрсөн онд 26 хүн ажилд шинээр авч, 26 хүн халагдсан , шинэ ажилтны тогтвор суурьшил 58% байсан нь өнгөрсөн жилийнхээс 13% илүү байна.
- Нийт ажилтнуудын дундаж нас: 47 нас, тэтгэврийн насны ажилтнууд нийт ажилтнуудын 32,5%-ийг эзэлж байна.
- Компанийн үйлдвэрлэлийн талаар ерөнхий мэдлэг олгох хөтөлбөр боловсруулж, 20-оод ажилтнуудыг хөтөлбөрт хамруулав.
- Компанийн түүхт ойтой холбогдуулан, тэргүүний ажилтнуудыг урамшуулах, идэвхжүүлэх, алдаршуулах зорилгоор 39 ажилтныг төр, засгийн шагналд тодорхойлж 24 ажилтан шагнагдсаны дотор МУ-ын Аж Үйлдвэрийн Гавьяат ажилтан 2 төрөв.
- Цар тахлын улмаас компани 40 хоног бүрэн зогсож, сул зогсолтын хөлсийг хууль журмын дагуу олгосон.
- Компанийн хэмжээнд Ковид-19 өвчний илрэлтийн тохиолдол 20 гаруй бүртгэгдсэн ба хөдөлмөрийн чадвар алдалт 2020 онтой харьцуулахад 3 дахин өссөн байна.
- Сургалтын кабинетийг шаардлагатай тоног төхөөрөмжөөр тоноглов.
- Царай таних цаг бүртгэлийн аппарат шинээр суурилуулан ашиглаж байна.

- Санхүү-эдийн засгийн алба

- “Номин холдинг” ХХК-тай түрээсийн гэрээний харилцан тохиролцооны дагуу 2021 оны 09-12-р саруудад дээврийн засварын 50%-ийн тооцоог хийж түрээсийн төлбөрөөс суутган тооцсон.
- Баянхонгорт авсан 127070 кг ноос буюу 329,8 сая төгрөг, Улаанбаатарт авсан 140680 кг баюу 340,4 сая төгрөг, нийт 267,7 тн буюу 670,2 сая төгрөгийн тооцоог хийж бүртгэлд тусгасан. Мөн ноосны НӨАТ-ын буцаан авалтын тооцоог малчин бүрээр нь хийж татварын авлагаар тайланд тусгасан.
- ХААН банкны Корпорейт гейтвэй үйлчилгээнд бүргүүлснээр харилцахын хуулгыг санхүүгийн программд шууд татан оруулах, татвар гаалийн гүйлгээг шууд интернет банкаар шилжүүлэх боломжтой болсон ба Qpay аппликейшнд бүртгүүлэн ноосны падааны төлбөрийг шууд малчны данс руу шилжүүлэн, ноосны НӨАТ буцаан олголтыг боломжтой болгосон.
- Ковидоос шалтгаалсан, нийт 40 хоногийн зогсолтын тооцоог хийж, 46,2 сая төгрөгийг олгосон.
- “Ноос ирээдүй” ХХК-иас 2 удаа 6,8 сая төгрөгийн эсгий худалдан авч өртгийг тооцон, үйлдвэрлүүлж, худалдаанд гаргасан.
- Турк улсаас онлайнаар 4,0 сая төгрөгийн гэр ахуйн бараа, иргэн Наранцацралтаас эсгий тапочкины материал тус тус худалдан авч нэрийн барааны дэлгүүрээр борлуулж, тооцоог сар бүр хийсэн.
- Хөрөнгийн үнэлгээг төв компаниар хийлгэж, 2021-01-р сарын 1-нээс үндсэн хөрөнгийн бүртгэлийг шинэчлэн бүртгэлд тусгасан.
- Үйлдвэрийн 5 давхарт барилгын засвархийсэн Момд ХХК-тай тооцоо хийж үндсэн хөрөнгөнд 107,6 сая төгрөг орлогод бүртгэсэн.
- Компанийн 50 жилийн ой тэмдэглэх ажилд албаараа идэвхтэй оролцож, 50 жилийн үйл ажиллагаанд тоон үзүүлэлтээр график дүгнэлт хийх, зардлын төсөв тооцоо гаргах, ажилтнуудын шагнал урамшуулал олгох зэрэг бүх ажлуудыг хийлээ.

Бусад ажлууд

- Компанийн оффисийн 5 давхар болон үйлдвэрийн барилгын фасадыг засав.
- Компанийн оффисын 1,2, 4, 5 давхруудыг засч шинээр түрээслэв.
- Ажилчдын байрны ариун цэврийн өрөөнд засвар хийж, сантехникийг шинэчлэв.
- Үйлдвэрийн барилгын дээврийн 5400 м2 талбайд мембранаар засвар хийлгэв.
- Эдгээр болон бусад олон ажлуудыг компанийн түүхт ойг угтах, ажилтнуудын ажлын байрны нөхцлийг сайжруулах хүрээнд хийж гүйцэтгэв.

- Компанийн 50 жилийн ойн арга хэмжээг төлөвлөгөөний дагуу зохион байгуулж, ахмад ажилтнууд, харилцагчид, үр бүтээлтэй ажиллаж байсан ба одоогийн ажилтнууд зэрэг 340 орчим хүний хүлээн авалт зохион байгуулж, нийт зочдыг гарын бэлгээр урамшуулав.

2022 оны үйл ажиллагааны үндсэн зорилт, үзүүлэлт

2022 онд цар тахлын үе дэх зах зээлийн хандлага, эдийн засгийн нөхцөл болон бусад нөлөөллүүдийг тооцон дорхи үндсэн үзүүлэлтүүдийг ханган ажиллах зорилго тавьж байна.

- Үйлдвэрлэлт	51 000,0 м2
- Борлуулалт	5 300 сая төгрөг
- Хөрөнгө оруулалт	500 сая төгрөг
- Цэвэр ашиг	800 сая төгрөг
- Үйлдвэрлэлийн нэгж өртөг	89 300 төгрөг

Манай компанийн хамт олон Монгол улсад машинт аргаар хивс үйлдвэрлэж эхэлсэн буюу тус компани үүсэн байгуулагдсаны хоёр дахь хагас зуун жилдээ шилжин орж байгаа 2022 онд үйлдвэрлэл технологийн шинэчлэл, хөрөнгө оруулалтын үр өгөөжийг нэмэгдүүлэх, бүтээгдэхүүний нэр төрөл, чанар, сав баглаа боодлыг сайжруулж, гадаад дотоод харилцаа, борлуулалтын сүлжээг нэмэгдүүлэхэд анхаарал тавьж тавьсан зорилтуудаа хэрэгжүүлэн ажиллах болно.

Бид монгол хонины цэвэр ноосон утсаар нэхсэн хивс дэлхийн өнцөг булан бүрд хүрч, хивсний илч дулаан, таатай мэдрэмжийг хэрэглэгчдэд бий болгохын төлөө ажиллана.

Сайн үйлс дэлгэрэх болтугай.

